

KERATAN AKHBAR

(Bahagian Canselori)

Surat khabar: Utusan Sarawak
Hari/Tarikh: 2/12/2016
Muka surat: S1

Tajuk : 40 nembiak mit dirami Hotel Hilton



NYADIKA PENGINGAT Pemesai enggau staf Hotel Hilton begambar nyadika pengingat begulai enggau bala nembiak mit ba lobi hotel maya pengerami ngidupka lampu pun kayu Kerismas ba Hotel Hilton malam Hari Tiga ke udah.

40 nembiak mit dirami Hotel Hilton

KUCHING: Bisi 40 iku bala nembiak mit enggau lima iku pengajar ari Palan Belajar De'wira dirami beserimbai enggau pengerami ngidupka lampu pun kayu kerismas ba Hotel Hilton malam Hari Tiga ke udah.

Menija Besai Hotel Hilton Kuching, Hamish Watts madahka, tuju ngatur pengerami nya dikena meri terima kasih ngagai sukung bala kustomer ngagai servis ke bisi disediakan Hotel Hilton Kuching ngelama tu.

"Ruang bilik enggau bala bakih bisi kaul manah lalu tu siti chara dikena ngerami hari ke manah amat bekunsika pengaga," ku iya.

Mensia mayuh ke bisi datai nyereta pengerami nya diperindang koir Hotel Hilton ke diberi nama Hilton Hollies.

Bala nembiak mit mega disediakan enggau mayuh bengkah pemakai ba Kafeteria Waterfront nyengkaum ngatur mayuh bengkah aktiviti ngerinduka ati. Semua program nya disponsor Events Horizon enggau Wanna Ballons.

Bisi 111 iku bakih dagang nyereta pengerami nya lalu mensia mayuh ulih nyereta bufet makai malam Kerismas berengkah ari 24 Disember pukul 6:30 jemai ba Kafeteria Hotel Hilton ke mayar RM158 siku.

Kelimpah ari nya bala nembiak mit mega diperindang ngena muzik Orkestra Philharmonic Malaysia, Japheth Law Sze Cheng, Dr Thia Sock Siang ke nyadi Lecturer Kanan Fakulti Seni Guna enggau Kreatif Malaysia Sarawak (UNIMAS) merindang mensia mayuh ngena piano, pemain biola Natasha Francesca Paran enggau vokalis solo ari Hotel Hilton, Jeffrey Tang.

Sama bisi enggau maya pengerami nya Pengarah Ukai Eksekutif Hotel THR (Sarawak) Sdn Bhd, Tan Sri Datuk Amar (Dr) Hamid Bugo.